

RHEOLIADAU AR GYFER MASNACHWYR AC ARDDANGOSWYR

1. Diffiniad o Derau

- a. **Rheoliadau.** Defnyddir y term hwn ar gyfer yr holl ofynion a nodir gan y trefnwyr i gynnal Sioe Awyr Cymru 2018 ac ar gyfer unrhyw ychwanegiadau neu newidiadau a bennir yn angenrheidiol gan y trefnwyr.
- b. **Trefnwyr.** Mae'r term hwn yn golygu Cyngor Abertawe, ei weision neu ei asiantiaid.
- c. **Arddangoswyr.** Mae'r term hwn yn cynnwys holl weithwyr, gweision ac asiantiaid unrhyw gwmni neu sefydliad sy'n arddangos neu'n masnachu yn y Sioe Awyr.

2. DEFNYDDIO'R RHEOLIADAU

- a. Y trefnwyr sy'n gyfrifol am reoli'r Arddangosfa Fasnachu a mae eu penderfyniadau'n derfynol ac yn gyfrwymol ar yr holl arddangoswyr.
- b. Mae hawl gan y trefnwyr heb apêl i ddatrys yr holl achosion, nad ydynt yn cael eu cynnwys yn y rheoliadau.
- c. Gellir gofyn i unrhyw berson neu sefydliad nad yw'n cydymffurfio â'r rheoliadau neu gyfarwyddiadau'r trefnwyr adael y digwyddiad ac ni ad-delir unrhyw ffioedd safle neu daliadau eraill gan y trefnwyr.

3. ATEBOLRWYDD

- a. Ni fydd y trefnwyr yn derbyn unrhyw atebolrwydd am golled neu ddifrod i unrhyw arddangosfeydd ar unrhyw adeg, a chynghorir arddangoswyr i yswirio eu harddangosfeydd yn erbyn colled neu ddifrod, gan gynnwys perygl o dân.
- b. Bydd arddangoswyr yn gyfrifol am golled neu niwed neu anaf i eiddo a phobl (gan gynnwys arddangosfeydd eraill), a achosir ganddynt hwy, eu gweision neu eu hasiantiaid.
- c. Bydd pob arddangoswr sy'n cymryd rhan yn yr Arddangosfa Fasnachu'n cytuno i ddigolledu'r trefnwyr yn erbyn unrhyw hawliadau o unrhyw natur y gellir eu cyflwyno yn erbyn y trefnwyr sy'n deillio o gyfranogiad yr arddangoswr yn yr Arddangosfa Fasnachol, neu'n gysylltiedig â hi. Cytunir ar y ddarpariaeth hon yn benodol gan yr arddangoswr i fod yn deg ac yn rhesymol.

- d. Nid yw'r trefnwyr yn derbyn atebolrwydd ac ni fydd dan unrhyw atebolrwydd i arddangoswyr neu eu gweithwyr, gweision a/neu asiantiaid o ran unrhyw ddifrod uniongyrchol neu anuniongyrchol, colled neu anaf, i bobl neu eiddo sy'n deillio o'r Arddangosfa Fasnachu neu'n gysylltiedig â hi.
- e. Cynghorir arddangoswyr yn gryf i gael yswiriant priodol yn erbyn y posibilrwydd y bydd y digwyddiad yn cael ei ganslo neu ei ohirio. Bydd unrhyw ad-daliad os bydd y sioe gyfan neu ran ohoni'n cael ei chanslo yn ôl disgrisiwn y trefnwyr ac os rhoddir ad-daliad, bydd yn ad-daliad net ar ôl didynnu costau a thaliadau gweinyddol y trefnwyr. Ni fydd yr arddangoswyr yn gallu hawlio yn erbyn y trefnwyr os bydd y digwyddiad yn cael ei ganslo neu ei ohirio dan unrhyw amgylchiadau.
- f. Os bydd arddangoswr yn tynnu yn ôl o'r Arddangosfa Fasnachu ar ôl i'r trefnwyr ddyrannu lle, bydd yr arddangoswr yn colli pob taliad a wnaed. Rhaid ysgrifennu at y trefnwyr os ydych yn tynnu yn ôl a fydd yn ceisio rhoi'r lle i rywun arall, ond nid yw rhoi'r lle i rywun arall o angenrheidrwydd yn golygu y byddai'r arddangoswr yn cael ad-daliad o unrhyw daliadau neu ryddhau unrhyw symiau y mae'n atebol amdanynt.
- g. Os derbynnir cais gan unrhyw sefydliad y mae ei fusnes am ba reswm bynnag yn cael ei roi yn nwylo'r derbynnydd, bydd y cais hwnnw, oni cytunir yn ysgrifenedig gyda'r trefnwyr, yn ddi-rym hyd yn oed os derbyniwyd cyn hynny gan y trefnwyr, a bydd unrhyw arian a dderbyniwyd yn cael ei ad-dalu ar ôl didynnu'r holl gostau a threuliau a gafwyd gan y trefnwyr.
- h. Rhaid i arddangoswyr gydymffurfio â holl Ofynion a Rheoliadau Statudol y DU wrth gymryd rhan yn Sioe Awyr Cymru.
- i. Cedwir yr hawl gan y trefnwyr i wrthod mynediad a hefyd gadw'r hawl i ganslo mynediad sydd efallai wedi'i dderbyn, neu ei wrthod ar unrhyw gam i dderbyn unrhyw arddangoswr arfaethedig i'r digwyddiad. Os o dan y rheoliad hwn y caiff cais am le ei wrthod, neu caiff dyraniad o le ei ganslo gan y trefnwyr, neu caiff mynediad arddangoswr ei wrthod, gall y ffioedd a dalwyd am y lle, yn ôl disgrisiwn y trefnwyr, gael eu had-dalu, ac os byddant yn cael eu had-dalu, byddant yn cael eu derbyn gan yr arddangoswr neu'r darpar arddangoswr, yn gwbl fodlon ar unrhyw hawliadau yn erbyn y trefnwyr.
- j. Mae arddangoswyr yn gyfrifol am ddiogelwch y cyhoedd ar eu safleoedd, yn enwedig wrth

arddangos unrhyw arddangosiadau sy'n gweithio yn ddiogel ac maent yn gyfrifol am ddiogelwch eu harddangosiadau a'u heiddo.

- k. Bydd ymwelwyr â Sioe Awyr Cymru'n gyfrifol am eu diogelwch eu hunain. Ni dderbynnir unrhyw atebolrwydd gan Gyngor Abertawe, eu gweision, eu hasiantiaid, contractwyr annibynnol neu noddwyr am unrhyw anaf (gan gynnwys anaf angheuol), salwch, difrod neu golled uniongyrchol neu anuniongyrchol a berir i berson neu eiddo, p'un ai oherwydd esgeulustod neu fel arall.

- l. Cedwir yr hawl gan swyddogion diogelwch Sioe Awyr Cymru i gynnal gwiriadau diogelwch fel sy'n ofynnol ac i wrthod mynediad i gerbydau a/neu i bobl i Sioe Awyr Cymru a/neu i gyfeirio ymwelwyr i ardaloedd y meysydd parcio.

4. GOFYNION YSWIRIANT

- a. Rhaid i arddangoswyr feddu ar Yswiriant Atebolrwydd Cyhoeddus Trydydd Parti gyda chyfyngiad indemniad heb fod yn llai na £5,000,000 ar gyfer unrhyw ddigwyddiad ac yn cynnwys indemniad i'r cymal prifswm. Os nad yw Yswiriant Atebolrwydd Trydydd Parti'r arddangoswyr yn cynnwys indemniad cyffredinol i'r cymal prifswm at ddibenion y rheoliad hwn, rhaid i drefnwyr Sioe Awyr Cymru gael ei grybwyll yn benodol fel Prifsymiau yn yr yswiriant sy'n berthnasol i'r contract y maent yn cytuno iddo.

5. RHEOLIADAU GWERTHIANNAU

- b. Rhaid i stondinau ac arddangosfeydd fod o safon dda.

- c. Gwaherddir gwerthu'r eitemau canlynol:

- 1) Gynau tegau realistig neu ynau, neu arfau eraill, sy'n tanio unrhyw fath o daflegryn (e.e. gynau BB, gwn awyr, bwa croes, catapwl)
- 2) Cylyll â llafn caeedig ac unrhyw gyllyll gan gynnwys cylyll poced sy'n plygu.
- 3) Da byw, pysgod byw ac adar mewn cewyll
- 4) Bwydydd neu luniaeth heb ganiatâd ysgrifenedig y trefnwyr.
- 5) Balwnau Ni chaiff balwnau gael eu rhoi i bobl gan y gallant fod yn berygl i awyrennau arddangos sy'n hedfan yn isel.
- 6) Barcutiaid, ac eithrio rhai wedi'u pecynnu ac os bydd hysbysiad yn cael ei ddangos sy'n nodi'n glir na ddylid hedfan barcutiaid yn y digwyddiad

- 7) Loteri, raffl neu docynnau hapchwarae.
- 8) Unrhyw fath o gofrodd Sioe Awyr Cymru, neu atgynhyrchiad o ddeunydd cyhoeddusrwydd Sioe Awyr Cymru, heb ganiatâd ysgrifenedig y trefnwyr.
- 9) Raffl tocynnau tegau meddal.
- 10) Unrhyw gynnyrch arall a nodir yn ysgrifenedig i arddangoswyr unigol gan y trefnwyr.
- 11) Unrhyw fath o atebolrwydd/cwmnïau hawlio.

- d. **Atgynhyrchu Sain** GWAHERDDIR defnyddio meicroffon a chwyddseinwyr i gynorthwyo gyda gwerthiannau. Cedwir yr hawl hefyd gan y trefnwyr i ofyn am waredu unrhyw gyfarpar y derbynnir cwynion amdanynt.

- e. **Cyfarpar Radio a Radar** Rhaid i arddangoswyr sy'n bwriadu defnyddio radio a/neu arddangosiadau radar gyflwyno manylion y fath gyfarpar i'r trefnwyr erbyn 15 Mehefin 2018 er mwyn cael caniatâd i'w gweithredu.

- f. Gwaherddir gwerthiannau hwnt ac yma neu fasnachu tebyg.

- g. Mae Tîm Digwyddiadau Cyngor Abertawe'n gweithio'n agos gyda'r Tîm Safonau Masnach ym mhob digwyddiad a bydd yn rhoi gwybodaeth pan ofynnir amdani. Rhaid i'r holl nwyddau a werthir ar dir y cyngor fod yn werthadwy ac o safon foddhaol ac yn cydymffurfio â deddfwriaeth Safonau Masnach.

- h. Mae Cyngor Abertawe'n cadw'r hawl i dderbyn arddangoswyr sy'n rhoi nwyddau o fwyd, diod neu gynnyrch arall am ddim yn y digwyddiad.

6. GWYBODAETH GYFFREDINOL

- a. **Cyflenwad Dŵr** Nid yw'r trefnwyr yn gallu darparu cyflenwad dŵr i safle unrhyw Arddangosfa Fasnachol. Bydd mannau dŵr ar gael yn y digwyddiad.
- b. **Dros Nos** Gall arddangoswyr aros ar y safle dros nos os ydynt wedi rhoi gwybod i'r trefnwyr ymlaen llaw'n unig.
- c. **Pŵer** Rhaid i generaduron fod yn fodolau diesel hynod dawel ac wedi'u ffensiio/cuddio o aelodau'r cyhoedd.
- d. **Dosbarthu Nwyddau** Gellir dosbarthu nwyddau rhwng 6.30am a 8.30am bob bore,

a rhaid i'r holl gerbydau gael eu symud o'r safle cyn 9am.

7. TREFNU SAFLE

- a. Gall arddangoswyr fynegi dewis am safleoedd arddangosfeydd masnachu, bydd safleoedd yn cael eu dyrannu ar sail y cyntaf i'r felin ac ni ellir sicrhau y bydd y safleoedd a ffefrir ar gael.
- b. Nid yw cymryd rhan yn flaenorol yn Sioe Awyr Cymru'n rhoi unrhyw hawliau i gymryd rhan mewn Sioeau Awyr dilynol.
- c. Rhaid i geisiadau gael eu cyflwyno ar y ffurflen briodol i'r trefnwyr. Cedwir yr hawl gan y trefnwyr i wrthod cais cyfan neu ran ohono. Bydd derbyn neu wrthod y cais, yn llwyr neu'n rhannol, ynghyd â'r safle dynodedig, yn cael ei gyflwyno'n ysgrifenedig gan y trefnwyr.
- d. Cedwir yr hawl gan y trefnwyr i newid cynllun a lleoliad masnachwyr heb ddweud wrth yr arddangoswyr.
- e. Cedwir yr hawl gan y trefnwyr i newid lleoliad unrhyw safle a ddyrannwyd eisoes.
- f. Gwaherddir is-osod a/neu is-gontractio safleoedd.
- g. Bydd ffiniau safleoedd yn cael eu marcio'n glir gan y trefnwyr. Rhaid i arddangoswyr sicrhau bod eu harddangosfeydd, gan gynnwys yr holl gyfarpar cefnogi, pabell a rhaffau tynhau, wedi'u cynnwys ym mhob ardal safle ddynodedig.
- h. Rhaid i arddangoswyr lofnodi'r bwlch Cais am Fasnachu atodedig, mewn cytundeb i lynu wrth y rheoliadau hyn.

8. MYNEDIAD

- a. I gael mynediad i'r safle, rhaid dangos tocyn cerbyd dilys, a fydd yn cael eu rhoi i'r arddangoswyr gan y trefnwyr.
- b. Rhaid i arddangoswyr fynd i weld aelod o'r Tîm Digwyddiadau cyn cael eu tywys i'w safle dynodedig. Gall methu cydymffurfio arwain at gael eich gyrru o'r digwyddiad.

9. GOSOD

- a. Ni allwch ddechrau adeiladu a gosod y safle cyn 6pm nos Iau 28 Mehefin 2018 heb ganiatâd penodol y trefnwyr. Rhaid gofyn am ganiatâd yn ysgrifenedig.

- b. Rhaid i arddangoswyr sicrhau eu bod ar gael ar y safle i dderbyn yr holl nwyddau gan nad yw'r trefnwyr yn gallu trin a thrafod cyfarpar yr arddangoswyr neu'r contractwyr.
- c. Rhaid i arddangoswyr ddarparu'r holl lorïau y mae eu hangen arnynt ar gyfer stondinau awyr agored. Nid oes gan y trefnwyr unrhyw lorïau ac nid oes ganddynt fynediad i ddefnyddiau o'r fath.

10. RHEOLI'R SAFLE

- a. Rhaid i arddangoswyr gadw eu safleoedd a'r llwybrau cerdded cyfagos yn daclus ar bob adeg. Dylid rhoi sbwriel yn y biniau a'r sgipiau sbwriel a ddarperir gan y trefnwyr ac maent ar gael drwy gydol y dydd i'w casglu'n rheolaidd gan y tîm clirio sbwriel.
- b. Rhaid i arddangoswyr, lle bo'n bosib, ddefnyddio mannau ailgylchu ym mhob ardal.
- c. Rhaid i arddangoswyr sicrhau bod pobl yn bresennol ar eu safleoedd pan fydd y digwyddiad ar agor i'r cyhoedd h.y.10am tan 6pm ar y dydd Sadwrn a'r dydd Sul. Bydd arddangoswyr nad ydynt yn cydymffurfio'n colli'r safle a'r ffioedd a dalwyd.
- d. Rhaid i arddangosiad neu gyfarpar sy'n cynnwys darnau symudol gael eu gosod â gwarchodwyr angenrheidiol i gydymffurfio â rheoliadau diogelwch safonol sy'n rheoli'r math hwnnw o arddangosiad.
- e. Dylai arddangoswyr sy'n dymuno codi mast neu strwythur sy'n uwch na 4 metr gael caniatâd y trefnwyr ymlaen llaw.
- f. Ni chaiff arddangoswyr rwystro unrhyw aleau neu fannau agored, ac ni cheir gosod arwydd neu dafluniad dros aleau neu fannau agored, neu effeithio ar unrhyw arddangosiad gerllaw.
- g. Rhaid i arddangoswyr sydd am osod arwydd, hysbyslen neu hysbyseb mewn unrhyw leoliad ar wahân i'w safle nhw gael caniatâd ysgrifenedig y trefnwyr.
- h. Nid oes cyfleusterau storio ar safle'r digwyddiad.
- i. Ni fydd y trefnwyr yn atebol am fethu cyflenwi unrhyw gyfarpar neu gelfi a huriwyd ar ran yr arddangoswr. Ni fydd y chwaith hawl gan yr arddangoswr i gael ad-daliad, neu ad-daliad rhannol, o unrhyw ffioedd safle os ni ddarperir cyfarpar neu gelfi o'r fath.

- j. Defnyddir generaduron ar yr amod na therfir ar arddangoswyr eraill na'r cyhoedd. Cedwir yr hawl gan y trefnwyr i gael gwared ar unrhyw gyfarpar y derbynnir cwynion amdanynt (DIM generaduron petrol).
- k. Cerbydau sy'n rhan annatod o'r arddangosfa'n unig a ganiateir ar safle'r arddangosfa. Rhaid i'r holl gerbydau eraill gael eu parcio yn y meysydd parcio cyhoeddus dynodedig.
- l. Unwaith y byddant ar y safle, ni all cerbydau gael eu symud pan fydd y digwyddiad ar waith.
- m. Ni chaiff arddangoswyr ddod â chŵn neu anifeiliaid anwes i'r digwyddiad.
- n. Ni chaiff arddangoswyr gynnu unrhyw fath o farbeciw awyr agored ar eu safle masnachu, neu yn unrhyw le arall yn y digwyddiad.

11. CLIRIO'R SAFLE

- a. **NI ALL UNRHYW ARDDANGOSWR GLIRIO CYN 6pm DDYDD SUL 1 Gorffennaf 2018**
- b. Ni all arddangoswyr adael eu safle tan 7.30pm nos Sul 1 Gorffennaf i osgoi tagfeydd traffig a rhaid bod y safle wedi'i glirio'n llwyr erbyn 12 ganol dydd, ddydd Llun 2 Gorffennaf, ac eithrio gyda chaniatâd uniongyrchol y trefnwyr. Gallai arddangoswyr sy'n anwybyddu'r amserau hyn gael eu gwahardd o fasnachu yn y sioe yn y dyfodol. Ar ôl yr amser hwn, gall y trefnwyr waredu gwrthrychau y deuir o hyd iddynt ar werth, a bydd yr arddangoswr yn gorfod talu'r gost. Rhaid gadael y safle yn yr un cyflwr ag yr oedd cyn hynny. Bydd unrhyw ddifrod a achosir gan yr arddangoswr yn cael ei asesu gan y trefnwyr, gyda'r arddangoswr yn gorfod talu'r gost i'w unioni.

12. IECHYD, DIOGELWCH A DIOGELEDD

- a. **ASESIAD RISG** Mae arddangoswyr yn gyfrifol am ddiogelwch eu gweithwyr ac

unrhyw drydydd partion o ran eu gweithgareddau ac yn arbennig am arddangos unrhyw arddangosiadau neu arddangosfeydd sy'n gweithio'n ddiogel.

- b. Rhaid caniatáu mynediad i'r safleoedd ar bob adeg i'r trefnwyr a'r gwasanaethau ieuchyd a diogelwch swyddogol at ddibenion archwilio.
- c. Mae arddangoswyr yn gyfrifol am ddiogelwch eu harddangosfeydd a'u heiddo ar bob adeg. Nid oes ffens o amgylch y safle.
- d. **Polisi Smygu** Rhaid i'r holl fasnachwyr llynu wrth y ddeddfwriaeth ysmegu bresennol; yn arbennig mae'n rhaid i stondinau masnachu sy'n caniatáu mynediad cyhoeddus arddangos arwyddion Dim Smygu swyddogol.
- e. **Gwasanaethau Diogelwch** Bydd swyddogion diogelwch a'r fyddin yn patrolio'r safle gyda'r nos a gwneir pob ymdrech i ddiogelu'r eiddo, ni all y trefnwyr sicrhau diogelwch eiddo'r arddangoswyr.
- f. **Rhagofalon Tân** Rhaid i'r holl arddangoswyr gael diffoddiaduron tân addas a digonol wrth law ger eu stondinau. Mae'n rhaid i arddangoswyr mwy weithredu rhagofalon tân ar eu safle yn unol ag Arweiniad y Swyddfa Gartref ar Ragofalon Tân mewn Mannau Presennol o Adloniant ac Eiddo Tebyg."

13. MEWN ARGYFWNG

- a. **RHOWCH WYBOD YN SYTH I'R TREFNWYR NEU UNRHYW SWYDDOGION DIOGELWCH MEWN LIFRAI.**
- b. **SICRHEWCH FOD PAWB YN CAEL SU SYMUD O'R ARDAL YN BWYLLGOG.**
- c. **CADWCH MYNEDFEYDD YN GLIR AR GYFER CERBYDAU'R GWASANAETHAU BRYD.**